



## **CONSELHO DE IMPRENSA (CI)** **Anúnsiu Aplikasaun ba Karteira Profisionál**

### **1. Introdusaun**

Tuir Lei Komunikaun Sosiál Nú 5/2015 artigu 44 alinea (d) fó kompeténsia ba Conselho de Imprensa (CI) hodi fó, halo foun, tahan no hasai tiha titlu profisionál ba jornalista sira. Regulamentu Nú 6/20017, loron 21 fulan Abril, artigu 03 alinea fó mós espasu ba CI hodi atribui karteira profisionál nu'udar dokumentu indentifikasaun jornalista sira nian no sertifika ba pesoál sira ne'ebé halo ninia knár profisionál.

Iha tinan 2017, Conselho Imprensa atribui ona karteira profisionál dahuluk ba jornalista timoroan hamutuk ema na'in 216. Polítika atribuisaun karteira profisionál ne'e nu'udar parte husi knaar CI hodi promove no valoriza serbisu jornalista nian liuhusi fó titulu profisionál ne'ebé garante iha lei komunikaun sosiál no regulamentu interna CI nian. Tinan ida ne'e (2018), CI halo ona desizaun hodi kontinua fó atribuisaun karteira profisionál ba maluk jornalista ne'ebé tinan kotuk la konsege halo aplikasaun ba karteira profisionál ne'ebé CI fó sai.

Ho nune'e, liu husi biban ida ne'e CI hakarak fó sai anúnsiu ba públiku katak hahú loke filafali ona prosesu inskrisaun foun ba kandidatu jornalista sira ne'ebé serbisu ona liu tinan lima (5) iha orgaun meius komunikaun sosiál hodi bele aplika ba karteira profisionál ne'e, nune'e bele hetan titulu profisionál hanesan mensiona iha lei komunikaun sosiál no regulamentu interna CI nian.

### **2. Kritériu ba aplikasaun**

Kritériu ba aplikasaun karteira profisionál mak hanesan tuir mai ne'e:

1. Priense karta aplikasaun (prepara hosi CI).
2. Jornalista ne'ebé serbisu liu ona tinan 5 iha meus komunikaun sosiál
3. Kópia dokumentu indentifikasaun nian,
4. Fotografia koloridu ne'ebé foin hasai;
5. Deklarasaun, ho kompromisu de onra, katak laiha konflitu ruma tuir temi nanis ona iha Lei Komunikaun Sosiál no husi ne'ebé obriga atu halo tuir dever legál no étika sira ne'ebé iha ligasaun ba profisaun (prepara hosi CI);
6. Dokumentu ne'ebé prova hala'o profisaun hanesan okupasaun prinsipál, permanente no hetan remunerasaun, ne'ebé hasai husi entidade ne'ebé fó servisu.

### **3. Oinsa halo aplikasaun**

Aplikante sira ne'ebé hakarak aplika ba karteira profisionál bele hakat mai iha edifisiu CI nian atu foti formulariu hodi priense no tenke kompleta rekizitu sira ne'ebé mensiona iha kritériu aplikasaun nian.

### **4. Data inskrisaun**

Inskrisaun ba aplikasaun karteira profisionál hahú iha loron **09/10/2018** no sei taka iha loron **23/10/2018**

Dili, 09/10/2018

Conselho de Imprensa

  
(Virgílio da Silva Guterres)

Prezidente